

- 1. De acordo coa Lei 4/94 de estradas de Galicia, das seguintes actividades que afectan a terreos comprendidos na súa área de influencia, non require a autorización expresa do órgano competente da administración titular da estrada:**
 - a) Os labores agrícolas sempre que non supoñan a modificación do terreo.
 - b) A plantación de árbores na zona de afección.
 - c) Os peches dos terreos.
 - d) Todas as anteriores requiren autorización.

- 2. De acordo co establecido no artigo 39 da Lei 4/94 de estradas de Galicia, nas zonas de servidume poderanse autorizar cerramentos:**
 - a) Por circunstancias especiais de aproveitamento agrícola.
 - b) En ningún caso.
 - c) Por razóns urbanísticas.
 - d) En calquera caso.

- 3. A intensidade na hora de proxecto que se emprega para dimensionar a sección transversal das estradas, segundo a norma 3.1-IC, será:**
 - a) A IMD.
 - b) Unha intensidade comprendida entre a intensidade da hora 30 e a intensidade da hora 150.
 - c) A intensidade da hora 10.
 - d) A intensidade máxima do ano.

- 4. A relación fundamental entre as magnitudes que definen o tráfico nun treito de estrada é:**
 - a) Intensidade igual a velocidade multiplicada por densidade.
 - b) Velocidade igual a espazo dividido por tempo.
 - c) Velocidade igual a intensidade multiplicada por densidade.
 - d) Velocidade igual a catro coma cinco pola raíz cadrada do radio.

- 5. Segundo a norma 3.1-IC, o nivel de servizo na hora de proxecto do ano horizonte non debe ser peor que:**
 - a) O nivel C.
 - b) O nivel amarelo.
 - c) Os niveis C ou D segundo o tipo de estrada e a velocidade de proxecto.
 - d) Os niveis C, D ou E segundo o tipo de estrada e a velocidade de proxecto.

- 6. Unha característica esixida aos chans axeitados para o seu emprego en terrapléns é:**
- a) Contido de materia orgánica inferior ao 1%.
 - b) Asento no ensaio de colapso inferior ao 1%.
 - c) Contido en sales solubles inferior ao 1%.
 - d) Inchazo libre inferior ao 1%.
- 7. Segundo a Instrución sobre as accións a considerar no proxecto de pontes de estrada (IAP), a vida útil dunha ponte de estrada é:**
- a) 50 anos.
 - b) 30 anos.
 - c) 100 anos.
 - d) 75 anos.
- 8. Dos seguintes ensaios, non é de control "in situ" nas obras de estradas, o ensaio:**
- a) SPT.
 - b) CBR.
 - c) Lugeon.
 - d) Vane Test.
- 9. Para controlar o grao de compactación dun terraplén, empregaría o ensaio:**
- a) CBR.
 - b) Proctor normal.
 - c) Edométrico.
 - d) Piezocono.
- 10. Sinale a resposta correcta. Unha actuación de conservación ordinaria é:**
- a) A renovación superficial do firme.
 - b) O bacheo.
 - c) A mellora do drenaxe subterráneo.
 - d) O reciclado do firme.

- 11. Sinale a resposta correcta ¿Qué elemento de balizamento é o máis axeitado para as curvas de radio pechado?:**
- a) Os paneis direccionais.
 - b) As balizas cilíndricas.
 - c) As balizas de aresta.
 - d) Os fitos de aresta.
- 12. As bases de datos de estradas poden ser de varios tipos, clasificándose dende o punto de vista dos datos que conteñen en:**
- a) Alfanuméricas, gráficas e xeográficas.
 - b) Reais, aproximadas e ficticias.
 - c) Alfanuméricas e gráficas.
 - d) Completas e parciais.
- 13. Os transportes por estrada públicos regulares temporais son os destinados a atender:**
- a) A necesidades de carácter estable.
 - b) A mercadorías de temporada.
 - c) A tráfico de carácter excepcional ou conxuntural e de duración temporalmente limitada, sen que poda darse nos mesmos unha repetición periódica.
 - d) A tráfico de carácter excepcional ou conxuntural e de duración temporalmente limitada, aínda que pode darse nos mesmos unha repetición periódica.
- 14. Conforme ó artigo 2 do Real Decreto Lexislativo 1/2001 polo que se aproba o texto refundido da Lei de augas, as augas procedentes da desalación de auga do mar:**
- a) Constitúen dominio público hidráulico.
 - b) Pertencen ó dominio público marítimo terrestre.
 - c) Constitúen dominio público hidráulico unha vez que, fóra da planta de produción, se incorporen aos leitos naturais ou aos acuíferos subterráneos.
 - d) Teñen o carácter de augas privadas.

15. Segundo o artigo 5 do texto refundido da Lei de augas (Real Decreto Legislativo 1/2001), os leitos ou canles polos que ocasionalmente discorren augas pluviais:

- a) Constitúen dominio público hidráulico.
- b) Son de dominio privado.
- c) Son de dominio privado en tanto atravesen dende a súa orixe unicamente fincas de dominio particular.
- d) En calquera caso as súas marxes están sometidas a unha zona de policía e de servidume.

16. Con relación ás comunidades de usuarios previstas no Real Decreto Legislativo 1/2001, de 20 de xullo, polo que se aproba o texto refundido da Lei de augas, sinala a resposta falsa:

- a) Teñen o carácter de corporacións de dereito público adscritas ao Organismo de conca.
- b) A xunta xeral é a encargada da execución dos estatutos ou as ordenanzas.
- c) Os estatutos ou ordenanzas redactaranse e aprobaranse polos propios usuarios.

O Organismo de conca non poderá introducir variantes nos estatutos sen previo ditame do Consello de Estado.

17. Segundo o Plano Hidrolóxico de Galicia - Costa a dotación máxima para abastecemento urbano en litros por habitante e día é:

- a) 350
- b) 410
- c) 440
- d) 500

18. Segundo o Plano Hidrolóxico de Galicia - Costa, a achega media anual do recurso hídrico no ámbito das concas intracomunitarias de Galicia, ascende a uns:

- a) 7.350 Hm³
- b) 12.642 Hm³
- c) 18.174 Hm³
- d) 21.237 Hm³

- 19. Con relación ao Decreto 84/1997, de 10 de abril, sobre colaboración técnica e financeira da Administración Hidráulica de Galicia coas Entidades Locais, na materia de abastecemento e saneamento de augas, a financiación poderá chegar ata o:**
- a) 60% do custo da obra.
 - b) 70% do custo da obra.
 - c) 90% do custo da obra.
 - d) 100% do custo da obra.
- 20. Para o correcto desenvolvemento dos mecanismos da depuración biolóxica, favorecendo a actividade dos microorganismos, a relación entre a DBO_5 e o nitróxeno presentes nas augas a depurar, deberá ser:**
- a) $DBO_5 / N = 5$
 - b) $DBO_5 / N = 10$
 - c) $DBO_5 / N = 20$
 - d) $DBO_5 / N = 100$
- 21. Nun porto, e concretamente no seu estudo de planificación, o período de prognose do tráfico non debe ser superior a:**
- a) 50 anos
 - b) 10 e con preferencia 5 anos .
 - c) 2 anos segundo a planificación portuaria a curto prazo
 - d) 15 anos segundo a planificación portuaria a medio prazo
- 22. As ondas longas, xeralmente son ondas en mar aberto:**
- a) De pequena amplitude e de grande período (>20-30seg).
 - b) De grande amplitude e de grande período (>20-30seg).
 - c) De grande amplitude e de reducido período (<20 seg.).
 - d) De pequena amplitude e de reducido período (<20 seg.).
- 23. O perfil disipativo é característico de praias de:**
- a) Area fina e niveis de enerxía elevados.
 - b) Area media a grosa e niveis de enerxía baixos.
 - c) Area media a grosa e niveis de enerxía altos.
 - d) Area fina e niveis de enerxía baixos.

24. Sinala a resposta falsa. Cando na tramitación da modificación dun contrato de obras, esixa a suspensión temporal, parcial ou total, da súa execución e este feito ocasione graves prexuízos para o interese público:

- a) O subdirector xeral competente da Consellería correspondente pode acordar a continuación das obras, segundo estea previsto na proposta técnica.
- b) Para continuar provisionalmente as obras, o importe máximo previsto do modificado non pode superar o 20 por 100 do prezo primitivo do contrato.
- c) É necesaria a existencia de crédito axeitado e suficiente para o seu financiamento.
- d) O órgano de contratación é quen da a conformidade para a continuación provisional das obras segundo estea previsto na proposta técnica motivada pola dirección facultativa.

25. No caso de realizar unha subcontratación nun contrato , sinala cal de entre os seguintes supostos é falso:

- a) O adxudicatario debera comunicar anticipadamente e por escrito á Administración a intención do subcontrato a realizar.
- b) Nos casos de contratos de carácter secreto ou reservado, ou en aqueles que deban de ir acompañados de medidas de seguridade especiais, a subcontratación non é posible.
- c) As prestacións parciais que o adxudicatario subcontrate con terceiros non poderán exceder a porcentaxe que figure no prego de cláusulas administrativas particulares, e se non figura non excedera do 60% do importe de adxudicación.
- d) No suposto que figure a previsión de subcontratar nos pregos, os licitadores deberán indicar na súa oferta a parte do contrato que teñan previsto subcontratar, sinalando o seu importe.

26. No relativo ao sistema de revisión de prezos, sinala a resposta que é falsa:

- a) As fórmulas reflectirán a participación no prezo do contrato dos materiais básicos e da enerxía, incorporados ao proceso de xeración das prestacións.
- b) Os índices ou formulas de revisión de prezos aplicable a un contrato serán invariables durante a vixencia deste, sempre que a adxudicación se produza no prazo de tres meses desde a finalización do prazo de presentación de ofertas e poderán ser únicos para todo o territorio nacional.
- c) A Comisión Delegada do Goberno de Fomento aprobará os índices mensuais de prezos que deben ser publicados no BOE.
- d) No se incluírán nas formulas de revisión de prezos o custo da man de obra, nin os custes financeiros, nin os gastos xerais nin o beneficio industrial.

27. Sinale a resposta correcta. Segundo a Lei de contratos do sector público, un proxecto de obras de contía superior a 350.000 € e agás de outra documentación prevista en normas sectoriais, conterà como mínimo:

- a) Memoria, planos, prego de prescricións técnicas particulares (PPTP), programa de traballo, estudo xeotécnico, referencias para o replánteo e orzamento,.
- b) Memoria, planos, PPTP, programa de traballo, estudo xeotécnico, referencias para o replánteo, estudo de seguridade e saúde, e orzamento.
- c) Planos, PPTP, programa de traballo, estudo xeotécnico, e orzamento.
- d) Memoria, planos, PPTP programa de traballo, estudo xeotécnico e relación valorada.

28. Nunha obra, o documento denominado relación valorada:

- a) Será elaborado conxuntamente polo director da obra e o contratista.
- b) Terá unha periodicidade bimensual, se o director das obras o estima.
- c) Poderá omitirse, polo feito de que nalgún mes a obra executada fora de grande volume, engadíndose o seu valor ao mes seguinte.
- d) Aplicarase como base para elaborar a certificación de obra.

29. O acto formal e positivo de recepción ou de conformidade terá lugar:

- a) 15 días antes da finalización do contrato, previo informe da dirección da obra.
- b) Dentro do mes seguinte de producirse a entrega ou realización do obxecto do contrato.
- c) Dentro dos 40 días seguintes de producirse a entrega ou realización do obxecto do contrato, se o prego non o preveu.
- d) Ao día seguinte da tramitación da derradeira certificación ordinaria, se o prego non o preveu.

30. Respecto ás funcións do control externo, sinale a resposta falsa:

- a) Pode constituír o control realizado pola dirección de obra.
- b) Verifica a conformidade da calidade estipulada.
- c) Resolve eventuais diferenzas de interpretación por parte dos contratistas.
- d) Substitúe ao autocontrol.

31. Se comparamos os métodos de programación de traballos Pert e CPM é certo que:

- a) Ambos os dous métodos diferéncianse en que no CPM asígnanse tres duracións para cada actividade, optimista, pesimista e máis probable, a partir da cal se calcula a duración media.
- b) En ambos os dous métodos asígnanse tres duracións para cada actividade, optimista, pesimista e máis probable, a partir da cal se calcula a duración media.
- c) En ningún dos dous métodos se asignan tres duracións para cada actividade, optimista, pesimista e máis probable, a partir da cal se calcula a duración media.
- d) Ambos os dous métodos diferéncianse en que no Pert asígnanse tres duracións para cada actividade, optimista, pesimista e máis probable, a partir da cal se calcula a duración media.

32. Acerca do Comité de Seguridade e Saúde, sinala a resposta falsa:

- a) É un órgano xerárquico no que están representados a dirección da empresa e os técnicos competentes.
- b) É o órgano de participación interno da empresa para unha consulta regular e periódica das actuacións da empresa en materia de prevención de riscos.
- c) Ten por función facilitar o intercambio de puntos de vista entre as partes, creando un foro estable de diálogo ordenado.
- d) Está composto polos delegados de prevención e un número igual de representantes designados polo empresario.

33. Sinala a resposta falsa. Segundo o artigo 30 do RD 604/2006, no relativo á auditoría, calquera que sexa o procedemento utilizado, a metodoloxía ou procedemento mínimo de referencia deberá incluír, aló menos:

- a) Unha análise da bibliografía actualizada de prevención dos riscos laborais.
- b) Unha análise de campo dirixida a verificar que a documentación reflicte con exactitude e precisión a realidade preventiva da empresa.
- c) Unha avaliación da adecuación do sistema de prevención da empresa á normativa de prevención dos riscos laborais.
- d) Unhas conclusións sobre a eficacia do sistema de prevención dos riscos laborais da empresa.

34. No caso dun proxecto cando dous ou varios axentes coincidan, simultaneamente na mesma área concreta e reducida, o efecto que producen denomínase :

- a) Acumulativo crítico.
- b) Colateral.
- c) Mergullado.
- d) Sinérxico.

35. Sinale a resposta acertada. Se en Galicia un proxecto se comeza a executar sen o cumprimento do requisito da tramitación de avaliación ambiental, cando segundo a lexislación era dos sometidos obrigatoriamente ao trámite de impacto ambiental:

- a) Poderá autorizarse a continuación provisional das obras polo Consello de Ministros despois da petición da Xunta de Galicia.
- b) Suspenderase as obras, que causen impactos críticos, permitíndose que continúe a execución das accións parciais, debéndose realizar os trámites necesarios para legalizar a situación ante os órganos ambiental e substantivo.
- c) Suspenderase as obras, por requirimento do órgano ambiental competente.
- d) Continuara a súa execución, se as afeccións non son serias, segundo o informe favorable do órgano ambiental.

36. De acordo co artigo 6 da Lei de estradas de Galicia, a aprobación da incorporación á rede de titularidade autonómica dos camiños de servizo que sexan abertos ao uso público con carácter permanente, é competencia de:

- a) O Consello da Xunta.
- b) O Parlamento galego.
- c) O conselleiro competente na materia.
- d) Non se poden incorporar á rede autonómica.

37. O financiamento das actuacións na rede de estradas de Galicia non se pode facer mediante:

- a) Recursos que proveñan de particulares.
- b) Recursos que proveñan doutras administracións públicas.
- c) Taxas.
- d) Contribucións especiais.

38. Coñécese como IMD de cara ao estudo do tráfico nas estradas:

- a) Ao número total de vehículos que pasan durante un día por unha sección de aforo dividido por 24 horas.
- b) Ao número total de vehículos que pasan durante un ano por unha sección transversal da estrada dividido polo número de días do ano.
- c) Á intensidade máxima de tráfico no día que se realiza un aforo en vehículos/hora.
- d) Á intensidade máxima de tráfico no día que se realiza un aforo en vehículos/día.

39. Para a distribución zonal das viaxes, adóitanse empregar:

- a) O modelo de gravidade e o método de factores de crecemento.
- b) O modelo das categorías e o modelo de equilibrio de usuario.
- c) O modelo de equilibrio de usuario estocástico e o modelo de distribución compensada.
- d) O modelo logit e o modelo probit.

40. Segundo o manual de capacidade americano (HCM 2000), o nivel de servizo en estradas convencionais de clase I, ven definido por:

- a) A intensidade.
- b) A intensidade e a porcentaxe de tempo que se circula detrás doutro vehículo.
- c) A velocidade media.
- d) A velocidade media e a porcentaxe de tempo que se circula detrás doutro vehículo.

41. Segundo a norma 3.1-IC, a altura libre mínima baixo un paso superior en estradas urbanas non será inferior a:

- a) 5,50 metros.
- b) 5,00 metros.
- c) 5,30 metros.
- d) 4,75 metros.

42. Segundo a norma 3.1-IC, a distancia entre o final dun carril de aceleración e o principio do de desaceleración consecutivo, será como mínimo de:

- a) 250 metros.
- b) 500 metros.
- c) 1.000 metros.
- d) 1.200 metros.

43. Respecto aos túneles, a norma 3.1-IC considera que non poderá realizarse ningún tipo de conexión:

- a) Aos 100 metros anteriores ou posteriores.
- b) Aos 150 metros anteriores ou posteriores.
- c) Aos 250 metros anteriores ou posteriores.
- d) Aos 500 metros anteriores ou posteriores.

- 44. Respecto á coordinación entre elementos do trazado dunha estrada, segundo a norma 3.1-IC, é falso que:**
- a) Nunha estrada C-80 non é necesario utilizar curvas de transición para unha curva circular de radio 3.000 metros.
 - b) Nunha autoestrada cando se enlacen curvas circulares consecutivas cunha recta intermedia de 300 metros, o radio da curva de saída debe ser igual ou maior de 700 metros.
 - c) Nunha estrada C-80 cando se enlacen curvas circulares consecutivas cunha recta intermedia de 500 metros, o radio da curva circular de saída debe ser igual ou maior de 300 metros.
 - d) Nunha autoestrada non é necesario utilizar curvas de transición para unha curva circular de radio 5.000 metros.
- 45. Das seguintes técnicas de mellora do terreo, a máis eficaz para mellorar a resistencia e a permeabilidade dun chan brando a menos de 20 metros de profundidade é:**
- a) A precarga.
 - b) O claveteado.
 - c) As columnas de grava.
 - d) A vibroflotación.
- 46. A fronteira entre concas grandes e pequenas, para os efectos da aplicación da Instrución 5.2- IC, corresponde aproximadamente a un tempo de concentración de:**
- a) 24 horas.
 - b) 6 horas.
 - c) 12 horas.
 - d) 3 horas.
- 47. Para os efectos prácticos, considéranse firmes semiflexibles os que se constitúen por capas de mestura bituminosa sobre capas granulares non tratadas de espesor total igual ou superior a:**
- a) 10 cm.
 - b) 15 cm.
 - c) 18 cm.
 - d) 20 cm.

- 48. A aplicación dun ligante hidrocarbonado sobre unha capa granular, previa á colocación sobre esta dunha capa ou tratamento bituminoso é un:**
- a) Rego de imprimación.
 - b) Rego de curado.
 - c) Rego de selado.
 - d) Rego de adherencia.
- 49. Unha estrada ten 500 vehículos pesados ó día, unha explanada E1 na súa totalidade e non existen na súa proximidade canteiras con zaborras adecuadas. Así, para un proxecto de mellora do seu firme, das seguintes seccións de firme con mestura bituminosa debe empregarse a:**
- a) 212.
 - b) 122.
 - c) 221.
 - d) 112.
- 50. Dos seguintes sistemas, non é un sistema de seguimento e programación dunha obra o:**
- a) Diagrama temporal.
 - b) PERT.
 - c) Diagrama de barras.
 - d) GANTT.
- 51. No control de obras de cimentación de estradas, o ensaio tipo Lefranc, é un ensaio de:**
- a) Penetración.
 - b) Deformación.
 - c) Permeabilidade.
 - d) Resistencia.
- 52. Segundo a Norma 8.3-IC de sinalización de obras, cando se reduzan o número de carrís en autoestradas e autovías, establecéndose desvíos ou carrís provisionais, non deberá limitarse a velocidade a valores inferiores a:**
- a) 100 km/h.
 - b) 80 km/h.
 - c) 60 km/h.
 - d) 50 km/h.

53. Sinale a resposta correcta, no caso dunha estrada competencia da Xunta de Galicia, o índice de perigosidade IP, incrementase ao diminuír o:

- a) Número de accidentes totais, a igualdade doutros factores.
- b) Volume de tráfico anual, expresado en vehículos-km, a igualdade doutros factores.
- c) Número de accidentes leves acontecidos durante os últimos 5 anos.
- d) Ningunha das anteriores é correcta.

54. Un treito de concentración de accidentes, TCA, segundo o criterio da Dirección Xeral de Obras Públicas da Xunta de Galicia, é aquel no que se cumpre aló menos:

- a) Treito de dez quilómetros no que se producen 10 ou máis accidentes con vítimas nos últimos 5 anos.
- b) Treito dun quilometro no que se rexistra anualmente 3 ou máis accidentes con vítimas nos últimos 5 anos.
- c) As dúas respostas anteriores son correctas.
- d) Treito dun quilometro no que se producen 10 ou máis accidentes con vítimas nos últimos 5 anos .

55. A orde circular do Ministerio de Fomento" sobre criterios de uso de sistemas para protección de motociclistas" é a:

- a) 18/2004.
- b) 32/2005.
- c) 04/2007.
- d) 04/2008.

56. A altura das barreiras metálicas de seguridade tipo BM nas estradas é:**

- a) 70 cm.+/-5 cm.
- b) 90 cm.+/-5 cm.
- c) 80 cm.+/-5 cm.
- d) 1/2 m.+/-5 cm.

57. Sinale a resposta correcta. O sistema denominado SIX, Sistema de Información Xeográfica, é:

- a) De coordenadas batimétricas y planimétricas.
- b) De bases de referencia.
- c) De coordenadas xeográficas.
- d) Ningunha resposta é certa.

58. O programa “TES+BUS” da Xunta de Galicia consiste na:

- a) Promoción do transporte público nas áreas metropolitanas, con medidas como o billete único.
- b) Promoción do transporte público nas relacións de media distancia entre as cidades de Galicia, con medidas como o aumento das frecuencias dos autobuses que empregan a autoestrada.
- c) Potenciación do transbordo gratuito entre o ferrocarril e o autobús.
- d) Promoción do transporte público nas zonas de carácter rural, con medidas como a utilización dos servizos de transporte escolar público polos cidadáns das zonas nas que se implante.

59. Do total de viaxeiros•km transportados no interior do estado, o transporte por estrada supón aproximadamente:

- a) O 60%.
- b) O 70%.
- c) O 80%.
- d) O 90%.

60. O sistema “Transtrailer” consiste en:

- a) Descarga de contedores mediante grúas especializadas.
- b) Transporte de remolques ou semirremolques convencionais en plataformas ferroviarias planas.
- c) Transporte de semirremolques de estrada adaptados para a súa circulación sobre vías ferroviarias.
- d) Transporte combinado aéreo – marítimo.

61. De acordo co regulamento da Lei de ordenación dos transportes terrestres, as estacións de transporte de mercadorías por estrada:

- a) Deben ser de carácter privado.
- b) Deben ser de carácter público.
- c) Poden ser de carácter público ou privado.
- d) Non poden acoller oficinas para axencias de transporte.

62. As condicións previas de carácter persoal para o exercicio da actividade de transporte público por estrada son:

- a) Nacionalidade (española, dun estado da UE ou dun estado co que existan tratados, acordos ou convenios en virtude dos cales non sexa esixible ese requisito) ou autorización ou permiso de traballo suficiente, capacitación profesional, honorabilidade e capacidade económica.
- b) Nacionalidade (española, dun estado da UE ou dun estado co que existan tratados, acordos ou convenios en virtude dos cales non sexa esixible ese requisito) ou autorización ou permiso de traballo suficiente, capacitación profesional e honorabilidade.
- c) Capacitación profesional, honorabilidade, capacidade económica e cumprimento das obrigas fiscais, laborais e sociais.
- d) Capacitación profesional.

63. Segundo a súa natureza, os transportes por estrada considéranse públicos:

- a) Cando calquera persoa pode empregalos.
- b) Cando son titularidade da administración.
- c) Sempre que non se realicen para satisfacer as necesidades particulares.
- d) Cando se levan a cabo por conta allea mediante retribución económica.

64. O modo de xestión que se empregará, como regra xeral, para a prestación dos servizos públicos interurbanos de transporte por estrada de uso xeral, é:

- a) A xestión directa.
- b) A concesión administrativa.
- c) O consorcio de transportes.
- d) A xestión interesada.

65. Conforme ó artigo 50 do texto refundido da Lei de augas (Real Decreto Lexislativo 1/2001), o uso das augas superficiais para beber e outros usos domésticos mentres discorren polos seus leitos ou canles naturais, é:

- a) Un uso privado que non precisa autorización administrativa.
- b) Un uso común para o que se precisa autorización administrativa.
- c) Un uso privativo por disposición legal.
- d) Un uso común que non precisa autorización administrativa.

- 66. ¿Cal dos seguintes usos da auga non é común especial conforme ó Real Decreto Legislativo 1/2001, de 20 de xullo, polo que se aproba o texto refundido da Lei de augas?.**
- a) Navegación.
 - b) Establecemento de barcas de paso e os seus embarcadoiros.
 - c) Abeberar o gando.
 - d) Flotación.
- 67. Segundo establece o artigo 26 do texto refundido da Lei de augas (Real Decreto Legislativo 1/2001), o *Comité de Autoridades Competentes* é un órgano de:**
- a) Xestión en réxime de participación.
 - b) Planificación.
 - c) Cooperación.
 - d) Goberno.
- 68. Segundo o Real Decreto Legislativo 1/2001, de 20 de xullo, polo que se aproba o texto refundido da Lei de augas sinale a resposta correcta:**
- a) É obrigatorio inscribir os contratos de cesión de augas no Rexistro da Propiedade.
 - b) Os titulares dunha concesión para rega deberán, en calquera caso, ser titulares dos terreos aos que a auga vai destinada.
 - c) Os titulares dunha concesión con destino a uso doméstico nunha vivenda, deberán ser titulares dos terreos na que se atopa.
 - d) A transmisión total ou parcial dos aproveitamentos de auga que impliquen un servizo público ou a constitución de gravames sobre os mesmos, requirirá autorización administrativa previa.
- 69. Con relación ó RD 907/2007, de 6 de xullo, polo que se aproba o Regulamento da planificación hidrolóxica, sinale a resposta falsa:**
- a) O estado das masas de auga superficial quedará determinado polo peor valor do seu estado ecolóxico e do seu estado químico.
 - b) O estado das masas de auga subterránea quedará determinado polo peor valor do seu estado ecolóxico e do seu estado químico.
 - c) O estado ecolóxico das augas superficiais clasifícase como moi bo, bo, moderado, deficiente ou malo.
 - d) O estado químico das augas superficiais clasifícase como bo ou como que non acada o bo estado.

- 70. Segundo o Plano Hidrológico de Galicia - Costa as infraestructuras de defensa de zonas rurais non habitadas ou de protección de fincas rústicas, deseñaranse para que non se produzan asolagamentos coa chea de período de retorno:**
- a) 10 anos.
 - b) 25 anos.
 - c) 50 anos.
 - d) 100 anos.
- 71. Con relación ao Plano hidrológico das concas internas de Galicia e as súas posteriores revisións, as funcións que nas confederacións hidrográficas corresponden á Comisión de Planificación Hidrolóxica, serán levadas en Augas de Galicia por:**
- a) O Consello da Auga.
 - b) A Sección Galicia - Costa.
 - c) A Sección Concas Intracomunitarias
 - d) A Sección Concas Intercomunitarias
- 72. O canon de saneamento creado pola Lei 8/1993, de 23 de xuño, reguladora da Administración hidráulica de Galicia, aplicarase:**
- a) Só no ámbito das concas intracomunitarias de Galicia.
 - b) No ámbito territorial da Comunidade Autónoma de Galicia.
 - c) Só a calquera uso da auga nas concas intracomunitarias de Galicia.
 - d) A calquera uso da auga no ámbito territorial da Comunidade Autónoma de Galicia.
- 73. Con relación ao Decreto 84/1997, de 10 de abril, sobre colaboración técnica e financeira da Administración hidráulica de Galicia coas Entidades Locais, na materia de abastecemento e saneamento de augas, sinale o tipo de obra que queda excluída da dita colaboración:**
- a) Obras de regulación de augas superficiais e presas.
 - b) Rede de distribución primaria ou de abastecemento.
 - c) Rede de sumidoiros.
 - d) Estacións de potabilización de augas.

74. O gráfico no que se representa a curva de precipitacións medias cada certo intervalo de tempo denomínase:

- a) Pluviograma.
- b) Histograma.
- c) Limnigrama.
- d) Hietograma.

75. O coeficiente de escorrenta:

- a) Crece coa intensidade da precipitación.
- b) Diminúe coa duración da precipitación.
- c) Ten menor valor nas zonas urbanizadas.
- d) Ten un valor constante durante todo o tempo de duración da precipitación.

76. Acerca das funcións desempeñadas polos xeotéxtiles en presas, sinala a resposta falsa.

- a) Drenaxe de augas de filtración.
- b) Reparación e reforzo dos paramentos de formigón.
- c) Control da erosión contra os golpes de onda e desencoro.
- d) Asento e protección da capa bituminosa deslízante.

77. Con relación ó disposto no texto refundido da Lei de augas, sinala a resposta falsa:

- a) O canon de control de vertidos será independente dos canons ou taxas que poidan establecer as Comunidades Autónomas e Corporacións Locais, para financiar as obras de saneamento e depuración.
- b) O prezo básico por m³ do volume de vertido autorizado incrementarase nun valor non superior a 4 veces.
- c) As autorizacións de vertido corresponderán sempre á Administración hidráulica competente.
- d) O prazo máximo de vixencia das autorizacións de vertido será de 5 anos, renovables sucesivamente, sempre que cumpran as normas de calidade e obxectivos ambientais esixibles en cada momento.

78. O funcionamento correcto das ventosas nas conduccións de abastecemento, supón:

- a) Aumentar a velocidade de paso da auga.
- b) Permitir a saída de aire nos tubos e impedir a súa entrada.
- c) Posibilita a regulación dos caudais.
- d) Posibilita unha menor perda de presión nas zonas máis desfavorecidas dende o punto de vista do subministro de auga.

79. Con relación aos procesos de depuración nun reactor biolóxico, é falso que:

- a) A menor carga máscica maior rendemento na eliminación da DBO_5 .
- b) O tempo de permanencia dos lodos no reactor é maior no proceso de aireación prolongada que no convencional.
- c) A concentración de MLSS (sólidos en suspensión do licor mestura) no reactor, é menor no proceso de aireación prolongada que no convencional.
- d) A menor carga máscica maior idade dos lodos.

80. O Plan de emerxencia dunha presa, apróbaos:

- a) O titular da mesma.
- b) A Administración hidráulica competente.
- c) O órgano competente na materia de protección civil.
- d) O Consello de Ministros ou o órgano equivalente da comunidade autónoma, correspondente polo ámbito territorial.

81. Segundo o RD 1620/2007 polo que se establece o réxime xurídico de reutilización de augas depuradas, ¿Para cal dos seguintes usos nos que se prohíbe a reutilización de augas, fórmulase unha situación de excepcionalidade?

- a) Consumo humano.
- b) Para uso en instalacións hospitalarias.
- c) Para cultivo en moluscos filtradores na acuicultura.
- d) Para uso recreativo como auga de baño.

82. De entre os procesos de potabilización, aquel polo que as moléculas de auga pasan a través dunha membrana semipermeable ao aplicar unha erta presión sobre a auga a tratar, denomínase:

- a) Ósmose inversa.
- b) Nanofiltración.
- c) Ultrafiltración.
- d) Todas as respostas son certas.

83. A relación entre a velocidade de fluxo, v , e a velocidade media da auga, v' , nun medio poroso están relacionadas a través da porosidade eficaz, m , a través da seguinte expresión:

a) $v = \frac{m}{v'}$

b) $v = \frac{v'}{m}$

c) $v = m \cdot v'$

d) $v = m^2 \cdot v'$

84. Aos efectos da Directiva 98/83/CEE, entenderase por augas destinadas ao consumo humano, aquelas augas para uso doméstico en xeral, e que se subministren:

- a) No seu estado orixinal a través dunha rede de distribución.
- b) Despois de tratamento a través dunha rede de distribución.
- c) Envasadas en botellas no seu estado orixinal.
- d) Todas as respostas anteriores son certas.

85. ¿A que se refire o enfoque combinado previsto na Directiva Marco de Augas?:

- a) Ao establecemento dun programa, tanto de medidas básicas como de medidas complementarias, para acadar os obxectivos ambientais que se fixan na Directiva.
- b) Á inclusión na planificación hidrolóxica das medidas que contribúan ó logro dos obxectivos ambientais, así como a contribución efectuada polos diversos usos da auga na recuperación dos custos dos servizos relacionados coa auga.
- c) Que os vertidos ás augas superficiais sexan controlados cos valores límites de emisión que correspondan, baseados nas mellores técnicas dispoñibles e nas mellores prácticas ambientais, e respectando os obxectivos de calidade do medio receptor.
- d) Todas as respostas son certas.

86. Na planificación portuaria, a rendibilidade económica dun proxecto portuario na zona de influencia da obra:

- a) Non ten en conta todos os beneficios comerciais e custos secundarios.
- b) Ten en conta todos os beneficios e custos incluídos os ambientais.
- c) Ten en conta unha parte dos beneficios directos e indirectos e os custos agás os ambientais.
- d) Non considera os beneficios ambientais por ser de difícil avaliación pero si os custos.

- 87. O peso dos cantos dun dique rompeondas, coa mesma onda incidente e a mesma xeometría, debe ser:**
- a) Constante, sexa cal sexa o material empregado na súa fabricación.
 - b) Maior canto máis denso sexa o material.
 - c) Menor canto máis denso sexa o material.
 - d) Independente da densidade.
- 88. Sendo H_c a altura da onda de cálculo, Iribarren recomenda que a diferenza entre a cota de coroación dun dique irrebachable e o nivel da Preamar Máxima Viva Equinoccial (PMVE), sexa:**
- a) $0,75 H_c$.
 - b) $1 H_c$.
 - c) $1,25 H_c$.
 - d) $1,5 H_c$.
- 89. O fenómeno de peraltamiento por fondo da ondada ou "shoaling", producido ao achegarse a ondada á costa, caracterízase:**
- a) Por producirse cambios nos períodos das ondas.
 - b) Por producirse cambios na altura de onda, e na súa lonxitude de onda.
 - c) Por producirse cambios no período e na altura de onda.
 - d) Ningunha resposta é correcta.
- 90. O movemento do buque libre ou amarrado, que consiste nun xiro arredor do eixo vertical principal do buque, chámase:**
- a) Alteada.
 - b) Balance.
 - c) Deriva.
 - d) Guiñada.
- 91. O "squat" é un fenómeno que ocorre nas canles de acceso ao porto e:**
- a) Fai que o buque navegue sobre a onda de acompañamento, sendo polo tanto axeitado para aforrar combustible.
 - b) Non ten nada que ver xa que se trata do cambio na orientación dunha onda ao paso do buque.
 - c) Resulta indiferente a súa acción xa que só produce axitación das augas.
 - d) Fai que o nivel da auga descenda uniformemente ao paso do buque, prexudicando a navegación en dimensións reducidas e estritas.

92. A obra de atraque coñecida como “Duque de Alba”:

- a) Carece de elementos de amarre.
- b) É unha obra totalmente rixida.
- c) Debe ter sempre boiardos para amarre.
- d) Carece de zona de servizo para carga e descarga de mercadorías.

93. Segundo o número de Iribarren para o estudo da rotura na costa da ondada incidente o número comprendido entre 0.5 e 3 é unha rotura de tipo:

- a) Spilling.
- b) Plunging.
- c) Collapsing.
- d) Surging.

94. Respecto ao ente público Portos de Galicia, é certo que:

- a) Ten personalidade xurídica e patrimonio propios, así como plena capacidade para o cumprimento dos seus fins.
- b) Ten personalidade xurídica e plena capacidade para o cumprimento dos seus fins, pero non dispón de patrimonio propio.
- c) Non posúe personalidade xurídica nin plena capacidade de obrar para o cumprimento dos seus fins, pero se posúe patrimonio propio.
- d) Ten personalidade xurídica e patrimonio propios pero non dispón de plena capacidade para o cumprimento dos seus fins.

95. Segundo a Lei 5/94 de creación do ente público Portos de Galicia, non é unha competencia do consello da Xunta de Galicia:

- a) Aprobar os plans de obras e instalacións.
- b) Designar e destituír o presidente do ente público.
- c) Aprobar o proxecto de presuposto de explotación e capital do ente público.
- d) Outorgar as concesións por ocupación do dominio público adscrito á Comunidade Autónoma dentro do recinto portuario.

96. Segundo a Lei 5/94 de creación do ente público Portos de Galicia, o órgano superior de dirección e xestión do ente público Portos de Galicia é:

- a) O presidente do Consello de Administración.
- b) O Consello de Administración.
- c) O director do ente público.
- d) O conselleiro competente na materia de portos.

97. Segundo o artigo 3 da Lei 22/88 de costas, dentro do concepto de ribeira de mar e das rías está:

- a) O subsolo mariño.
- b) As illas que se formen en augas interiores.
- c) As albufeiras.
- d) Os illotes en augas interiores.

98. Das seguintes accións ou actividades sobre o dominio público marítimo-terrestre, require unha concesión administrativa:

- a) Os servizos de tempada nas praias.
- b) Os dragados.
- c) As extraccións de áridos.
- d) As obras ou instalacións non desmontables.

99. Na elección do tipo de area para rexenerar unha praia, é recomendable:

- a) Empregar areas de similar granulometría ou, se non fose posible, máis fina que a existente.
- b) Empregar areas cunha porcentaxe de finos, que pasan polo baruto ("tamiz") de 0,08 mm, de polo menos o 15%.
- c) Empregar areas de similar granulometría ou, se non fose posible, de granulometría lixeiramente máis grosa que a existente.
- d) Empregar areas de distinta composición petrográfica.

100. Se, de forma simplificada, supoñemos a seguinte expresión para a perturbación da onda, sinale a resposta falsa:

$$\xi = A \cos\left(\frac{2\pi}{L} x - ct\right)$$

- a) O período é $T=L/c$.
- b) A lonxitude de onda é L .
- c) A amplitude da onda é A .
- d) A frecuencia da onda é $2\pi/L$.

101. Sinale a resposta que é correcta, no aspecto relativo a cesión dos contratos:

- a) A cesión formalizárase mediante escritura pública só se o cedente e o cesionario, o acordan conxuntamente.
- b) O órgano de contratación autorizará expresamente, con posterioridade, a cesión.
- c) No contrato de xestión dos servizos públicos, o cedente debera de ter realizada a explotación do servizo polo menos durante unha quinta parte do o prazo de duración do contrato.
- d) A Administración, excepcionalmente e por razóns de interese público, pode autorizar a cesión do contrato a persoas incursas en suspensión da clasificación.

102. No relativo á revisión de prezos nos contratos, sinale a resposta correcta:

- a) A revisión de prezos lévase a cabo mediante os índices ou fórmulas de carácter oficial que aproba a Xunta Consultiva de Contratación Administrativa.
- b) Aplicaranse as fórmulas tipo aprobadas polo Decreto 2167/1981 do 20 de agosto, á revisión de prezos en contratos con pagamento concertado por sistema de arrendamento financeiro.
- c) En ningún caso terá lugar a revisión de prezos nos contratos menores.
- d) A revisión de prezos terá lugar cando o contrato se executase no 10 % do seu importe e transcorresen vinte e catro meses hábiles dende a súa adxudicación.

103. Os pregos de cláusulas administrativas particulares (PCAP) deberán aprobarse:

- a) Previamente á autorización do gasto, ou conxuntamente con esta.
- b) Despois da autorización do gasto e sempre antes da adxudicación definitiva do contrato.
- c) Correspóndelle facer o dito acto de aprobación á Xunta Consultiva de Contratación.
- d) Todas as respostas son incorrectas.

104. Nun contrato de obras é certo que:

- a) O pago das certificacións de obra ao contratista supón a recepción das devanditas obras por parte da Administración.
- b) O procedemento para a valoración e o pago da obra executada, figura nos pregos de cláusulas administrativas ou técnicas para a contratación da obras.
- c) A revisión de prezos, se procede, tomará como base de cálculo a data de comezo das obras.
- d) A relación valorada farase sobre as medicións dos planos do proxecto.

105. No caso dun procedemento aberto, non suxeito a regulación harmonizada, de importe 100.000 € e declarada urxente a súa tramitación. Se pertence o ámbito competencial de Galicia, os prazos para a licitación e adxudicación do contrato:

- a) Redúcense a un terzo do prazo total.
- b) Redúcense á metade, agás do prazo relativo ao período de espera antes adxudicación definitiva que se reduce a 10 días hábiles.
- c) Redúcense todos á cuarta parte, ao tratarse dun procedemento específico e restrinxido ao territorio da Comunidade Autónoma de Galicia.
- d) Non se reducen en ningún caso, pois é necesario ter en conta o período de espera antes da adxudicación definitiva do contrato.

106 Segundo a aplicación da Lei 30/2007, con relación á acreditación da solvencia técnica nos contratos de obras. ¿Que documentos non son necesarios?:

- a) Títulos académicos e profesionais do empresario e dos directivos dá empresa, en particular dos responsables das obras.
- b) A declaración indicando os técnicos ou as unidades técnicas dos que dispón a empresa para a execución das obras.
- c) A relación das obras executadas nos últimos quince anos avaladas por certificados de boa execución.
- d) A declaración sobre o cadro de traballadores medio anual da empresa durante os tres últimos anos acompañada da documentación xustificativa.

107 Segundo as leis vixentes en materia de contratación no sector público, con relación a supervisión de proxectos nos contratos de obras, é certo que:

- a) Non é necesario o informe da supervisión de proxectos, agás que o órgano de contratación o considere necesario.
- b) O informe de supervisión é facultativo cando que se trate de obras que afecten á estabilidade, seguridade ou estanquidade, nos que só se realizara, se o director das obras o solicita.
- c) O informe de supervisión é facultativo sempre, agás se vai acompañado dá solicitude do servizo de proxectos; no caso de proxectos cun orzamento de contrata de ≥ 250.000 € terá carácter preceptivo.
- d) O informe de supervisión é preceptivo, cando a contía do contrato de obras é ≥ 350.000 € e se o órgano de contratación o solicita. Nos proxectos cun orzamento inferior terá carácter facultativo.

108. Se analizamos a viabilidade económica dun proxecto de obras. O período de recuperación é:

- a) O indicador que define o período temporal para deixar de investir no proxecto.
- b) O indicador do número de anos no cal o proxecto supera as expectativas de ganancias.
- c) O período de amortización do ben funxible.
- d) O indicador de rendibilidade económica que representa o número de períodos en que os beneficios acumulados permiten recuperar os custos soportados.

109. Sinala a resposta falsa. Segundo a EHE-1998, artigo 89º, os ensaios de información complementaria do formigón poden ser:

- a) A fabricación e rotura de probetas conservadas en condicións o máis parecidas posible ao formigón que se pretende ensaiar.
- b) O emprego de métodos de modelización analítica ou numérica.
- c) A rotura de probetas testemuña extraídas do formigón endurecido.
- d) O emprego de métodos non destrutivos fiables.

110. Das seguintes opcións, relativas ao Documento de Idoneidade Técnica (DIT), sinala a resposta falsa:

- a) O Instituto de Ciencias da Construción Eduardo Torroja posúe a facultade de conceder o DIT.
- b) O DIT ten unha validez de varios anos e debe ser renovado.
- c) O DIT é un documento de carácter obrigatorio para poder empregar na obra civil materiais, sistemas ou procedementos construtivos non tradicionais ou innovadores.
- d) O DIT é un documento de absoluta garantía.

111. Segundo o artigo 103.3 do PG-3, o programa de traballos:

- a) Non incluíra necesariamente os períodos que a dirección de obra precisa para proceder aos replanteos de detalle e aos preceptivos ensaios de aceptación.
- b) Establecerá un período máximo de tres meses para ter en conta os períodos que a dirección de obra precisa para proceder aos replanteos de detalle e aos preceptivos ensaios de aceptación.
- c) Deberá ter en conta os períodos que a dirección de obra precisa para proceder aos replanteos de detalle e aos preceptivos ensaios de aceptación.
- d) Establecerá un período mínimo dun mes para ter en conta os períodos que a Dirección de obra precisa para proceder aos replanteos de detalle e aos preceptivos ensaios de aceptación.

112. A duración media D dunha actividade, segundo o método de programación Pert, calcúlase mediante a seguinte fórmula, na que a é a duración optimista, b a pesimista e m a máis probable:

- a) $D = (a + 4m + b)/6$
- b) $D = (a + m + b)/3$
- c) $D = (a + 2m + b)/4$
- d) $D = (a + 4m + b)/4$

113. Segundo a lexislación vixente na materia de seguridade e saúde nas obras, as varandas deberán presentar, entre outras, a seguinte característica:

- a) Altura máxima de 110 cm.
- b) Altura mínima de 110 cm.
- c) Altura mínima de 90 cm.
- d) Altura máxima de 90 cm.

114. A Lei 32/2006 reguladora da subcontratación no sector da construción dispón que o traballador autónomo:

- a) Non poderá subcontratar os traballos a el encomendados nin a outras empresas subcontratistas nin a outros traballadores autónomos.
- b) Poderá subcontratar os traballos a el encomendados a outras empresas subcontratistas, pero non a outros traballadores autónomos.
- c) Poderá subcontratar os traballos a el encomendados a outras empresas subcontratistas ou a outros traballadores autónomos.
- d) Non poderá subcontratar os traballos a el encomendados a outras empresas subcontratistas, pero si a outros traballadores autónomos.

115. Segundo o artigo 30 do RD 604/2006, a primeira auditoría do sistema de prevención da empresa deberá levarse a cabo:

- a) Antes do momento no que se dispoña da planificación da actividade preventiva.
- b) Dentro dos trinta días seguintes ao momento no que se dispoña da planificación da actividade preventiva.
- c) Inmediatamente despois do momento no que se dispoña da planificación da actividade preventiva.
- d) Dentro dos doce meses seguintes ao momento no que se dispoña da planificación da actividade preventiva.

116. Sinale a resposta axeitada. Entendese por impacto crítico, aquel que:

- a) A súa magnitude de impacto é suave, podendo admitir unha recuperación.
- b) A súa magnitude do impacto é regular, pero recuperable.
- c) É o impacto que sendo moderado, as veces é irrecuperable.
- d) Ocasiona perda permanente da calidade, sen posible recuperación.

117. Razoe. No caso de proxectos do Anexo II incluídos na Lei 6/2001 de avaliación de impacto ambiental. ¿Cales son os criterios de selección para que sexa necesario levar a cabo o trámite de avaliación do impacto ambiental?:

- a) Condicionantes económicos e de situación do proxecto.
- b) Características dos proxectos, situación destes e características do potencial impacto.
- c) Características da situación dos proxectos.
- d) Características dos proxectos, situación destes e condicións económicas.

118. Dos seguintes proxectos, ¿cal estaría excluído do procedemento de Avaliación de Impacto Ambiental, segundo o Decreto 442/1990?:

- a) As primeiras repoboacións cando entrañen riscos de graves transformacións ecolóxicas.
- b) As presas cunha altura menor de 15 m. e cunha capacidade de encoro de 50.000 m³.
- c) Os portos comerciais, vías navegables e portos de navegación que permitan o acceso de barcos de desprazamentos superiores a 1.350 toneladas.
- d) As construcións de autoestradas, autovías, e liñas de ferrocarril de longo percorrido.

119. O Programa de Vixilancia Ambiental:

- a) Dítase polo órgano ambiental na DIA (declaración de impacto ambiental).
- b) Inclúese no EsIA (estudo de impacto ambiental).
- c) Realízoo o promotor unha vez adxudicado o proxecto, previo á súa execución e coas directrices do órgano ambiental.
- d) Inclúese con posterioridade a DIA, tras a súa aprobación polo órgano substantivo e o ambiental, como anexo independente ao proxecto.

120. O método da matriz de Leopold é valido cando se utiliza para:

- a) A análise de fotogramas para fotografía aérea.
- b) A análise e avaliacións de impactos ambientais.
- c) A estimación de danos en presas de materiais soltos.
- d) É un ensaio e análise no caso do transporte combinado.

RESERVA

121. Segundo a EHE-98, os ensaios preceptivos previos, característicos e de control da resistencia do formigón, refírense a:

- a) Probetas cilíndricas de 15 x 30 cm. fabricadas, curadas e ensaiadas a compresión a 7 e 28 días segundo as correspondentes normas UNE.
- b) Probetas cilíndricas de 15 x 30 cm. fabricadas, curadas e ensaiadas a compresión a 7, 14 e 28 días segundo as correspondentes normas UNE.
- c) Probetas cilíndricas de 15 x 30 cm. fabricadas, curadas e ensaiadas a compresión a 28 días segundo as correspondentes normas UNE.
- d) Probetas cúbicas ou probetas cilíndricas de 15 x 30 cm fabricadas, curadas e ensaiadas a compresión a 28 días segundo as correspondentes normas UNE.

122. Segundo a Lei 30/2007, nun contrato de obras e en relación a devolución e cancelación das garantías, sinale a resposta correcta:

- a) No suposto de recepción parcial das obras o contratista poderá solicitar a devolución e cancelación da parte proporcional da garantía, e aínda que non estea autorizado expresamente no prego de cláusulas administrativas particulares, neste caso procederase a súa cancelación.
- b) O acordo de devolución deberá adoptarse e notificárselle ao interesado no prazo de dous meses desde a finalización do prazo de garantía, e transcorrido este, Administración deberalle aboar ao contratista a cantidade que lle deba incrementada co xuro legal do diñeiro correspondente.
- c) No caso da cesión do contrato, sen mais trámite nin outra condición se procede á súa devolución dun xeito inmediato tras o acordo de devolución ou de cancelación.
- d) Ao rematar a actuación, durante a cea-fin de obra, e se o director da obra o considera conveniente tendo en conta ou seu criterio profesional.

123. Con respecto á técnica de reciclado de firmes, é falso que:

- a) Nas estradas coa categoría de tráfico pesado T00, non se poden empregar, en ningún caso, materiais reciclados.
- b) Non se poden empregar, en ningún caso, mesturas bituminosas recicladas en central, para estradas coa categoría de tráfico pesado T0.
- c) Para estradas coa categoría de tráfico pesado T2, poden empregarse todas as técnicas de reciclado.
- d) Deben empregarse técnicas de reciclado, nas actuacións cuxa superficie de rehabilitación sexa superior a 70.000 m².